

七

220.183  
3P  
部10.7

善舉

兵制

職官



常昭合志稿卷第十七

善舉志 義莊附

敘曰舊志義局附於公署余維公署誌規制而已義局則有因有革有分有并並當詳誌其事且皆邑之人仗義集貲而成宜特書之以示勸又吾吳自范文正公置田為義莊以贍族有力之家率慕而效之甚盛舉也夫周禮六行曰孝友睦婣任恤義局任恤也義莊孝友也類而敘之夫豈不宜况義局義莊之設苟大吏以其事聞於朝部謹所以褒獎之者其給予樂善好施字樣固從同乎爰并述義局義莊為善舉志

常昭合志稿

卷十七

善舉

一

常熟養濟院舊在報本道院西咸豐十年毀

舊址堆積瓦礫已無形迹可指同

治十一年移設會元坊浦姓入官房屋內額設小甲十二名在管孤貧一百六十九名每年柴布銀二百十八兩五錢八分九釐遇閏加五兩二錢八分八釐口糧額米四百八十三石六斗七升八合遇閏加四十八石四升二合

昭文養濟院在通江橋下塘咸豐十年毀

原有坐西朝東頭門三間官廳三間公堂

一間號房十五間半

同治五年重修

用節省孤貧銀建門一間號房七間餘均未修

額設小甲

十二名在管孤貧一百六十九名每年柴布銀二百十五兩五錢三分六釐遇閏加五兩二錢一分九釐口糧額米四百八十三石六斗七升八合遇閏加四十八石三斗六合五勺



育嬰堂在方塔街舊在南經堂右乾隆八年邑人又捐貲於南

門外豐樂橋西別建一所十年邑令陳奠纘詳撥青屏沙田

三千八百畝入堂糧道程光鉅復捐廉倡率紳民集資助之

十三年兩邑令詳准歸一處始移建於今所或云乾隆八年邑人王志學於

今所創建門堂未竟而卒十一年糧道程光鉅令張魯續成之紳士為監堂生員為董事規

條詳密著有成效旋有縣書陳元章舞弊侵弛有生監等呈

由海防同知經理言志畧云有市僧謀充盤踞偽託鄉耆呈請改歸海防同知經理勾結衙憲侵尅營

私以瘠田易沃產沙田亦報坍塌堂政坐是日弊五十五年知府廉知積弊飭縣集

紳公議經官如泗陳士林等請仍歸兩縣專管查見現存房

屋一百零五間道體修葺四址東至琴川課院西至方塔寺小院南至方塔街北至後塔浜有

常昭合志稿

卷十七

善舉

一一

照牆一座大門五間塞門一座正廳三間東藥房一間西飯廳兩間板房一間廂房六間慈雲樓上下六間後塞門一座乳房六十間後門房兩間東首大嬰所廳三間西首廚房三間書樓上下六間後書廳三間倉廩四間外有披屋坑廁數間

堂中公產有殷案香界涇官田一百零七畝二分六釐額租

米九十二石六升八合常邑官田二百四十四畝五分七釐一毫額租

石三斗豆五石三升錢十千九昭邑官田四百三十八畝七

分五釐額租麥二石一斗六升豆五石四斗錢二十天福沙

田六百零七畝二分四釐五毫額租折錢夏五十四千六百

百三十八又草優免船項下每年繳錢二百千各紳又公捐

錢三千二百千文發典生息以充經費咸豐十年毀存典公

散同治六年重建屋數間十年造冊核見常熟田二百七十



五畝二分六釐九毫

額租米一百八十七斗六升七合又麥九斗六升錢三十六千五百五十文

原荒田三十六畝八分續置田一百十五畝三分四釐二毫

續捐田二十畝三分二釐八毫

兩共額租米一百一十一石五斗三升八合麥五石一斗一

升昭文田二百八十一畝六分八釐

額租米一百九十九石八斗六升二合錢三十九

千五百四十六文

又原荒田一百畝二分五釐續捐田十九畝六分

八釐五毫

額租米十三石六斗六升九合錢四千五百五十文

實存公產田八百四十

九畝三分五釐四毫

清節堂在南門內龔家橋同治初邑人季曜燿母鄒氏首捐田

四百畝劉吧望續捐田五百畝錢祿泰同弟祿曾祿鼎捐舊

宅地基錢福棠捐錢一千千眾姓集資構屋六十餘間收養

常昭合志稿

卷十七

善舉

貧苦節婦兼設義塾以教嫠婦之子李芝綬撰記嗣又經王

慶藻捐田一百畝錢宗燦捐田四十畝葉松年捐田五十畝

錢一百三十千以充經費

儒寡儒孤總會道光初邑人王元鍾殷振雲等集貲創設未建

公所有公事即就經董家集議眾姓陸續捐款並由縣准撥

典捐以作經費現計有田三百十四畝四分三釐五毫額設

儒寡儒孤共一百九十名按月給資

別創儒寡儒孤局在南經堂

其地即係南經堂舊址詳見寺觀志道光十三年水荒民逃路多棄

嬰邑人錫廷錦李仁愿蔡廷熙陸芝春麗聯奎翁同書等於堂中空地搭蓋草屋收養全活百四十餘口事竣仍將草屋

卸去陶貴鑑撰記

光緒十五年邑人李玉麟狄嘉麟等因舊儒寡會



額設不敷別籌集捐置產創辦二十四年由縣詳准以南經

堂改建局所凡兩邑之儒寡儒母儒媳以在庠為限每名每月給

錢五百文儒孤男女給錢二百五十文現額約百名皆給摺按季

支領眾姓先後捐置常熟田一百二十四畝零昭文田五十

九畝零二十七年張毓幹捐田二百四十八畝零三其田四百三十二

畝零其額租米四百石零又游文書院每年撥助錢四十千典當捐每年

撥助錢四十千以作經費又十九年廩生王同播等稟准捐

每年廩餼銀兩之半專以津貼儒母現在房屋計十三間

安濟堂俗稱養老堂在南門外石逸步橋高邱西邑人屈成霖曾發

父子捐田一千餘畝創建屋一百六間收養貧老男婦百名

常昭合志稿

卷十七

善舉

四

又額外簽米三十名每名每月給米一斗五升鹽菜錢九十文於乾隆十九年由

巡撫報部立案沈德潛撰記記文畧曰國家子惠萬方建設育嬰普濟諸堂恩至溥也於

是各直省太吏士夫聞風嚮義胥建堂以安爨獨然皆請之

庫帑所餘成之眾力助助未有獨創若屈傅野先生者先生

宰盧龍牧景州持己以廉養民以惠解組歸田思所以行之

自者行之鄉輸金三千五百兩造安濟堂四百兩備器皿又

捐田一千畝收養鰥寡孤獨時其飲食給以衣被病與藥歿

與棺葬設監堂一人醫士二人司收養一人司支給一人司

租稅一人司查勘一人費皆取於千畝之息始工壬申七月

竣事癸酉十月立以規條申以約束先生之用心勤為功鉅

矣堂本高邱庵故其毀於火有僧感修募緣興復未成而卒

先生即其地成之以樓房三十餘間供佛像居僧徒蓋不沒

其舊 規條申詳勒石屈氏自司其事不在官報銷咸豐十年

毀同治四年屈氏裔孫承幹等積租息重建

廣仁堂在常熟城隍廟右舊在慧日寺前翼宿廟西間壁康熙三十二



年邑人丁湜陶貞一鮑守義等創設收埋局六十一年因舊

局湫隘屋止兩楹經眾姓集貲改建於此原屋四層中奉神農及張仲景像額以

今名紳士為監局生員為司事糧道劉柏撰記每歲六七兩

月施藥平時施棺清明十月節司事分往城鄉收埋露棺於

義冢歲終造冊呈縣申詳撫院以為常乾隆二年前糧道劉

柏奏時升任安慶按察使撥官田二百八十畝五分五釐額租

米二百二十七石七斗六升二合錢二兩二錢又撥蘇州清嘉坊官房一所變價置

田十七畝六分九釐額租米十八石七斗二升五合又屈成霖捐田四十六

畝五分五釐額租米四十六石一斗四升二合及舊局房租每年約二十千

以作經費後因不敷開支經言屈兩紳議立同善堂名目置

常昭合志稿 卷十七 善舉 五

田八十餘畝續增十八畝零五十四年復增二百十餘畝柴

地義地十餘畝范陳等姓捐田地數畝均歸同善堂以其租

息貼補局用之不足餘則給惇獨孤癡殘廢人等月米額二

名每名月給米一斗五升及添設義冢施診諸善舉不經官吏不入報銷

嘉慶十五年又續置田一百一十一畝統計公產田七百八十

七畝七釐七毫內柴地荒田九十餘畝以作義冢

凝善堂在午橋街初邑人徐鏐屈廷鋈戈榕徐藻等於嘉慶十

八年具呈按察司借致道觀中設寧善堂捐貲置田專司收

埋路斃及浮尸先是歲歉多道殣縣役藉報驗為閭里累因議設此堂凡遇路斃浮尸無親屬認領者由

地方報堂司董履驗如無傷痕即行收埋插標召認有傷則由堂報官檢驗所費悉由堂給發所有規條呈縣立案並經



臬台巴哈布  
給示勒石

道光四年經眾姓捐貲購王氏屋建堂改名凝

善卽今所是也兼辦夏施藥冬施衣平時施棺諸善舉咸豐  
庚申兵燹後於同治四年重修所需經費取諸田租計徐鏞  
等原捐田二百七十畝續經歸令璣錢祿泰錢祿咸朱曾佑  
季式金五戶各捐田二十畝曹燕貽翁錕氏二戶各捐田十  
畝宗廷桂捐六畝蔣仁壽捐五畝堂中自購數畝共有田四  
百餘畝嗣又陸續捐購現據單開 未開捐 戶姓名 有常熟田四百二  
十畝九分二毫半 額租米二百九十五石八斗 三升八合二勺錢五千文 昭文田二百  
六十二畝九分四釐九毫 額租米二百二十七石六斗 九合錢十五千二百五十文 又常  
熟昭文荒田八十九畝五分六釐六毫 租不 按額

常昭合志稿

卷十七

善舉

六

博濟堂在南門外朱草浜南洙村

此係地名 並無村落

光緒四年邑人龐

洪坤洪興陳惇年譚朝瀛陳鍾秀趙元琪俞春沂等就土地

祠旁一角園舊基

舊係查毀淫祠充公之 屋暫時供五夫子位

集貲建造初結惜

穀會

收取各家炊爨 稱柴上之餘穀

續舉施診施藥施衣棺惜字收埋諸善

事邑令黃璨撰記歷經勸募河南山東直隸賑銀萬兩給有

匾額

河督涂宗瀛豫撫李鶴年 直督李文忠蘇撫吳元炳

桑氏捐田六十九畝二釐五

毫

額租米六十六石六斗 二升五合內荒十七畝

嚴氏捐田十畝二分一釐九毫

額租

米九石七斗七升八 合一勺租多缺額

又每年撥典捐一百六十千各戶年捐

約百五十元以作經費

堂東有放生池一區

同與堂在大東門外總管廟東南隅道光中里人集貲創立每



年夏施藥冬施衣及義冢諸善舉咸豐十年毀同治十年王  
紹沂續捐田畝重建堂屋計有田一百五畝七分一釐收租  
以作經費

同善局在小東門內顧家橋初邑人曹慶恩集貲於每年六七  
兩月就昭邑廟施診施藥光緒十年邑人桑文浩捐田五百  
畝購地建屋於今所並以租息作經費二十七年續置田三  
十二畝零以其租息為施棺之用

現有局屋六  
間餘地一方

崇善堂在慧日寺後街同治八年邑人童葆澂鄒文瀚李葆真  
屈奎墀等呈縣立案清查無主荒冢立碣保護勒石西北兩  
門嚴禁山梟平掘盜賣光緒七年集貲建堂並經屈承幹龐

常昭合志稿

卷十七

善舉

七

鍾瑚屈奎墀李葆真捐助田畝及眾姓捐資購置其田二百  
數十畝作為經費

殯嬰園在北門外伏虎橋光緒二十一年邑人丁吉城張澍沈  
祖懋等集貲顧姓季姓捐地創設築牆造屋收葬城廂內外  
病殤嬰孩又由眾姓捐田一百二十六畝零以作經費

自二  
十一  
年至二十八年已  
收葬一千餘口

施粥會在慧日寺內

熬粥在西方殿  
放粥在大雄殿

初寓人會稽孫氏每歲冬

末在此施粥光緒二十八年孫氏移寓上海邑人集貲續辦  
孫氏仍捐貲相助自冬至前後至醉司命日止放給貧民白  
米粥約四十餘日



水龍會城廂內外永平大水龍在廣仁局在會共四十二人清安大水龍在

縣南街東大周神廟在會三十人清安小水龍在西太平巷聚沙

塔在會二十餘人永福水龍在玄壇廟在會三十人天一水龍在范公橋

在會四十餘人永寧水龍在瞿橋劉神堂在會三十人公安水龍在靈公

殿在會二十一人永潛大水龍在辛家街水龍公所在會共六十人東安水

龍在顧家橋財神堂在會三十餘人永安水龍在報本道院現待修理尙未

聚會王安老水龍在北水門元壇殿強復昌經營在會共五十六人田雞洋龍

在熙春橋街布業公所大東門布業經營在會二十四人潛福水龍在熙春

橋塊財神堂大東門米業經營在會二十餘人王福水龍在大東門外興隆

庵各客幫鋪戶經營在會三十人萬安大水龍在大東門外總管廟在會三十

常昭合志稿

卷十七

善舉

八

人萬安小水龍在鎖澗橋橋亭在會二十人雲潛水龍在顏港橋

小王廟在會約三十人濟安水龍在東倉街周神廟在會約四十人王癸水

龍在迎春橋祖師堂竹業經營在會三十餘人常寧水龍在大義莊街周

神廟各鋪戶經營在會三十二人永潛水龍在花園浜上相廟在會三十餘人通

濟水龍在南門外祖師堂在會六十人雲潛水龍協濟水龍在西

河水仙廟在會共四十人永潛水龍在四丈灣南莊廟在會四十人靈潛

水龍在社稷城隍廟南門米業經營在會二十四人

從善局在東唐墅河西街道光六年里人邵渭淇包梅等公捐

田產構屋創設為施衣施藥施棺收埋暴露諸善舉又柏昌

捐田二百畝附辦恤寡額設二十名陳鳴鳳續捐一百畝推廣恤



寡 增額一十名

育元堂在東唐墅河西街光緒五六年間里人公指田一千畝

建造屋宇收養遠近遺棄嬰孩 左文襄公曾給匾

悟修堂在東唐墅萬豐橋西光緒二十年里人建為靜修之所

兼辦惜穀惜字郵發諸善事

樂善堂在梅李鎮南街道光初里人方鉞等設局於東塔院為

收埋暴露之舉十七年邑令王錫九捐廉倡建此堂並由眾

姓先後捐助田畝以為經費 堂後附立節孝祠 又里人黃宗城黃岡

父子捐田二十畝並募眾姓捐田九十餘畝於光緒二十五

年在堂內附設保嬰局收養遺棄嬰孩

常昭合志稿 卷十七 善舉 九

裕善堂在東湖南橫涇光緒十一年里人何王田桑晏等姓建

為施醫藥施棺代理惜穀惜字請善事捐田一百畝以作經

費 帝建文昌閣及藥王廟兼奉山裕明六先生又建現蓮庵以奉觀音大士

協善局在王墅斗姥閣內雍正間里人金照等十八同設以為

施棺收埋之所 金照字蒼溪餘九人為丁級昇管爾尊汪殿掄吳東瀛何甘白陶堯天陶堯吉金惠聲金

赤城有十老圖一幀藏局中每歲中元里人懸而祀之

仁濟堂在洞港涇光緒年里人朱文海等創立募捐田五十餘

畝 額租四十餘石 以資施棺掩骼經費

保嬰局在東始莊里人桑駿捐田六百畝設立

保嬰公所在白茆新市光緒初里人陸錫祺馮景元等集捐田



二百八十餘畝創立馮乃熙又捐貲建屋以作公所

里人房  
賜又捐

田百畝附設  
義塾於其內

繼善堂在罍里村道光間里人瞿劉丁汪等姓集貲建爲育嬰  
惜字施衣藥及收埋善舉尙無恆產遭亂毀廢光緒十五年  
瞿啟文啟科啟甲兄弟捐田二百四十畝瞿植亦捐田助之  
以其租息爲經費重建續舉

孚善堂在老吳市光緒十一年里人曾唐兩姓經捐建屋三層  
置田百四十餘畝爲施衣藥及收埋等事

興善堂在董浜天心閣里人王榮霽建爲施衣藥棺諸事

承志堂在董浜東街里人何大洲遵親命建爲衣藥收埋諸善

常昭合志稿

卷十七

善舉

十

舉捐花田百七十八畝稻田二十八畝各有奇以作經費并  
附設育嬰所

同善局在老徐市初里人於火帝廟內設局爲收埋之舉後徐  
春泉等捐資構屋於西大街置花田二百七十餘畝稻田二  
十餘畝爲其經費金壇訓導馬宗來及諸生諸福蘇王伊等  
推廣施衣藥等事兼設惜字會

集善堂在王莊河南岸爲育嬰惜字施棺等事

繼善堂舊在西周市後遷於許浦同治七年里人孔憲模等集  
貲建屋附設義塾許浦別有寶善堂光緒二十年葉金榜孫  
承明集捐設立又衍善堂一名淮海公所二十三年海州張



維縈集捐設立又義渡局二十四年葉壽松孫永明集捐立體仁局在何家市

以上闔邑義局

楊氏敦本義莊在田莊鎮常熟人楊繼祖創子岱成之田一千

十二畝有奇分贍貧族乾隆五十四年題旌梁同書王文治葉佩蓀撰記

曾孫希銓續置衍敦田五百餘畝又司事歷年擗節增置田

三百餘畝元孫沂孫泗孫復奉父希鈺命增置鳳敦益本田

各五百餘畝代別置田一千餘畝專給本支讀書應試之費潘世恩汪志伊撰記又附設義塾族塾三所

臨海屈氏義莊在南門外蓮墩浜邑人屈成霖議立子曉發孫

文基曾孫廷鎮繼續成之裔孫承榦復奉母楊氏命增置統

常昭合志稿

卷十七

善舉

十一

計常邑田四百九十畝有奇額租米四百石有奇昭邑田四百六十餘

畝額租米四百石有奇花田三百五十餘畝額租豆麥約二百九十石錢九十八

千有奇分贍貧族嘉慶十五年題旌

歸氏義莊在城內文昌巷昭丈人歸景泚議立子銜衡成之田

一千畝有奇額租米九百八十石有奇分贍歸家墅支九世祖嫡派下貧

族嘉慶十五年題旌

王氏義莊在東張墅里人王文瀾議立子士棫建田千畝分贍

貧族道光九年題旌附置書田二百畝孫原湘撰記

俞氏義莊在南門外石遜步橋昭丈人俞廷柏立子照焯烈等

成之孫挺芳復於西門內西倉前置莊房一所田千一百餘



畝分贍第二世支祖諱紹樓嫡派下貧旋道光十四年題旌

附置書田二百畝有奇  
設義塾以課本族子弟

龔氏義莊在東唐墅里人龔駿立田千畝有奇分贍貧族道光

十四年題旌 已圯

董氏義莊在歸市西街里人董廷棟建稻田二百五十畝花田

七百五十畝 額租米二百二十五石  
錢一千六十千有奇 分贍支祖諱德榮嫡派

下貧族道光十八年題旌 附置田二百餘畝設  
義塾以課貧家子弟

蕭氏義莊在西鄉邑人蕭安福議立子大坤大炘建田五百餘

畝分贍貧族道光二十年題旌

龐氏裕後義莊在塘橋鎮街西常熟人龐德輝創子聯奎建田

常昭合志稿 卷十七 善舉 十一

五百九畝有奇 額租米四百廿三石  
有奇錢九千九百文 分贍遷虞十一世支祖

諱應徵嫡派下貧族道光二十一年題旌 續置田三十畝有奇 嗣族人

龐裕龐裕明附捐田二百畝有奇遵照莊規分贍其本支十

三世祖諱國珍嫡派下貧族於咸豐七年呈縣立案

黃氏義莊在大墅橋里人黃浩建田五百畝分贍貧族道光二

十二年題旌

姚氏義莊在西門外邑人姚文墉建田若干畝分贍貧族道光

二十二年題旌 已廢

鄒氏義莊在陳埭橋常熟人鄒沛霖創子珍琛等成之田一千

七十餘畝分贍貧族道光二十三年題旌 附設祭田書田  
二千畝有奇



周氏義莊在西徐市西常熟人周誥創子錫慶成之田五百十

餘畝額租米四百七十九石有奇分贍遷虞支祖諱厚培嫡派下貧族道

光二十四年題旌孫媳周錢氏率嗣子延楨建莊呈縣許玉琢撰記莊東有周錢氏節孝坊

龐氏承裕義莊在塘橋鎮街東常熟人龐榕創子煥若燦若等

成之田七百二十八畝有奇額租米五百四十六石有奇分贍遷虞八世

支祖諱繼美嫡派下貧族道光二十五年題旌續置田一百三十四畝有奇

黃氏義莊在老徐市里人黃金臺建田五百畝額租錢八百五十餘千分

贍支祖諱景昭嫡派下貧族咸豐元年題旌

黃氏附莊在東徐市里人黃承需建田二百五十畝額租錢四百餘千

常昭合志稿 卷十七 善舉 三

分贍支祖諱萬榮嫡派下貧族咸豐元年題旌

徐氏義莊在桂村昭丈人徐煥建田千四百六十畝分贍貧族

咸豐元年題旌

趙氏義莊在報慈橋邑人趙同匯及子元愷議立孫宗德宗建

建田一千二十三畝有奇元愷妻錢氏續捐田二百畝有奇

分贍貧族咸豐五年題旌

濟陽丁氏義莊在丁市邑人丁錦峯建田若干畝分贍貧族咸

豐六年題旌

衛氏義莊在鈞渚渡衛家塘康熙間常熟人衛肇吉創歷子孫

曾元五世始成田一千餘畝額租米八百八十石有奇分贍支祖諱相嫡



派下貧族咸豐六年題旌

附設祭田義冢地共一百九十六畝又設友順書塾田四百餘畝翁

心存撰誌

蔡氏義莊在城內花園街昭文人蔡景椿議立孫大均建田五百餘畝分贍支祖臻臣嫡派下貧族咸豐七年題旌

顧氏義莊在北門昭文人顧士奎士銓兄弟建田五百餘畝分贍貧旋咸豐十年題旌

胡氏廷鑿義莊在五渠鎮昭文人胡天麒建田五百畝分贍支祖朝卿嫡派下貧族咸豐十一年題旌嗣被裔孫盜賣盡廢

子媳節孝胡嚴氏同媳胡顧氏就住宅別建卹寡義莊田五百十餘畝額租米四百三十石有奇專給支祖綏我以上分支之寡孤及

常昭合志稿

卷十七

善舉

十四

嫡派下之貧乏者光緒八年題旌嗣胡嚴氏有鑒前莊之廢撥原田三百畝有奇歸入常昭清節堂管業收租另立章程於光緒三十年稟縣批准立案

瞿氏義莊在菰里村昭文人瞿紹基及子鏞議立孫曾成之田五百餘畝額租米五百三十石有奇分贍始遷祖諱璉嫡派下貧族咸豐

十一年題旌

席氏義莊在釣渚渡北范河西里人席祐智兄弟同議立曾孫成勳等成之田五百七十餘畝額租米四百石有奇分贍本支貧族同

治六年題旌

附置祭田義冢地二百餘畝又設分莊於城內祝家河頭

蔡氏義莊在城內報本街昭文人蔡廷烈議立子功堡建田五



百十餘畝分贍貧族同治六年題旌

王氏義莊在□□□昭丈人王淮議立曾孫興宗等建田五百八十餘畝分贍貧族同治六年題旌

陸氏亦政義莊在城內文昌巷昭丈人陸謙議立子樹仁等建田五百七十餘畝分贍支祖鳳儀嫡派下貧族同治十年題旌

陸氏吉卿義莊在白茆新市塘南街陸謙之後昭丈人錫祺妻鄒氏命嗣子潮源立田五百五十五畝分贍鳳儀支懷喬以下各支貧族光緒二十四年題旌嗣潮源妻丁氏又命嗣子寶善續置田五百畝有奇分贍合族之貧乏者光緒二十九

常昭合志稿

卷十七

善舉

五

年題旌

張氏孝友義莊在施家橋常熟人張應祥創子廷燧等建田二千六百七十畝原置千七十畝增置千五百畝曾孫錫圭續置百畝額租米共二千六百三十石有奇

分贍十五世支祖諱翼軫嫡派下貧族同治十年題旌

毛氏義莊在毛家橋里人毛進文議立孫守仁建田五百畝米約五百石分贍支祖諱淵泉嫡派下貧族光緒元年題旌

李氏義莊在城內廣濟橋昭丈人李芳年議立子光祖建田五百四十餘畝分贍支祖茂臣嫡派下貧族光緒元年題旌

趙氏義莊在城內山塘涇岸昭丈人趙宗耀立田五百畝有奇分贍支祖諱士春派下貧族光緒元年題旌



丁氏光裕義莊在南門內六房灣常熟人丁燮創子吉城書城  
成之田四百畝有奇吉城續置祭田百畝有奇分贍五世支  
祖聖從嫡派下貧族光緒二年題旌

陶氏義莊在城內醋庫橋昭文人陶景濟創子嘉祥成之田五  
百餘畝分贍支祖滋園嫡派下貧族光緒三年題旌

王氏義莊在梅李鎮北街昭文貞節婦王盧氏同子兆熊立田  
五百十畝分贍支祖調甫嫡派下貧族光緒四年題旌

錢氏承志義莊在城內報本街常熟人錢廷錦議立孫祿咸祿  
泰等建田五百餘畝額租米四百九十石有奇分贍二十七世支祖諱裔

文嫡派下貧族光緒四年題旌

常昭合志稿

卷十七

善舉

夫

張氏承志義莊在羊尖蕩歸家墳常熟人張定珍誦芬創誦德  
建田五百九十四畝分贍十五世支祖諱翼軫嫡派下貧族

光緒四年題旌

錢氏義莊在平橋街常熟人錢文貴議立子餘成之田六百畝  
有奇分贍支祖玉立嫡派下貧族光緒五年題旌

李氏義莊在九節里常熟人李念和議立子承烈成之田五百  
畝有奇分贍六世祖君華嫡派下貧族光緒六年題旌

吳氏義莊在縣南街常熟人吳湘議立子鏞成之田五百畝有  
奇分贍支祖敬溪嫡派下貧族光緒六年題旌

周氏鶴記義莊在城內塔浜後常熟人周錫忠議立子偉文孫



龍章虎章等成之田五百餘畝

額租米四百九十石有奇

分贍遷虞支祖

諱時通嫡派下貧族光緒六年題旌

曾氏義莊在城內翁府前常熟人曾熙文議立子之撰寶章建

田千畝有奇分贍支祖省齋嫡派下貧族光緒七年題旌

徐氏義莊在城內午橋街常熟人徐鏞創曾孫文英成之田五

百餘畝分贍支祖望月嫡派下貧族光緒八年題旌

龔氏義莊在城內迎恩橋昭文節婦龔嚴氏與子振梁議立田

五百五十餘畝分贍支祖錦文嫡派下貧族光緒八年題旌

謝氏義莊在賓湯門外弔橋北昭丈人謝德基議立子文齡建

田五百餘畝分贍支祖芝軒嫡派下貧族光緒八年題旌

常昭合志稿

卷十七

善舉

十七

繆氏義莊在酉徐市咸佳橋常熟人繆佩珩議立子岐成之田

五百餘畝分贍支祖諱德容嫡派下貧族光緒九年題旌

附設

書田二百餘畝為岐太房子孫讀書之資

朱氏義莊在翁家莊常熟人朱燦立子鑿等建田千餘畝分贍

支祖邦盥嫡派下貧族光緒九年題旌

已地

王氏義莊在老徐市塘南街昭丈人王仁基議立子宗翰成之

田五百十畝

額租錢七百三十餘千

分贍支祖諱堯賓嫡派下貧族光

緒十年題旌

鄒氏谷春義莊在城內南市街邑人鄒廷珍立子邦瑞建田千

餘畝分贍五世祖肇基嫡派下貧族光緒十一年題旌



沈氏承志義莊在城內王家巷門常熟職婦沈錢氏遵翁庭賜夫墳遺命建田五百畝有奇額租米五百石有奇分贍五世祖諱圻嫡派下貧族光緒十一年題旌

錢氏義莊在蓮墩浜常熟人錢福棠創子宗煦等建田五百畝有奇分贍支祖昭采嫡派下貧族光緒十一年題旌

周氏義莊在東鄉昭文人周文炳議立子希柏建田五百十餘畝分贍支祖岐山嫡派下貧族光緒十一年題旌

鄭氏義莊在東張市里人鄭光祖議立孫道元建田五百餘畝分贍支祖伊仲嫡派下貧族光緒十二年題旌

陳氏韞輝義莊在墩頭坵里人陳士英議立子政敞成之田五百四十畝有奇額租五百石有奇分贍支祖諱壽昌嫡派下貧族光緒十三年題旌

常昭合志稿

卷十七

善舉

五

顧氏義莊在歸市西街里人顧金鰲顧培父子建花田五百畝有奇額租錢七百十有奇分贍支祖諱佩源嫡派下貧族光緒十二年題旌附置田二百畝設義塾課本族子弟

李氏義莊在白茆鎮北嚴涇里人李燾明議立子敦翰建田五百二十餘畝分贍貧族光緒十四年題旌

王氏義莊在城內東殿巷昭文人王鍾議立子登福等建田五百畝有奇分贍支祖諱廷銖嫡派下貧族光緒十四年題旌

王氏義莊在東鄉楓橋灣昭文人王學伊議立子汝濟等建田



五百十餘畝分贍支祖諱文河嫡派下貧族光緒十五年題旌

李氏義莊在西鄉常熟人李旭初立子佩珩成之田五百八十餘畝分贍族中鰥寡孤獨殘疾久病者光緒十六年題旌

李氏義莊在城內鐘樓頭常熟人李忻議立子莖建田五百畝有奇分贍支祖文英嫡派下貧族光緒十六年題旌

陸氏義莊在城內小步道巷昭丈人陸恆德創子上達建田六百畝有奇額租米二百石有奇荳一百十餘石麥二十餘石錢二百三十餘千文分贍遷虞始

祖諱定山支派下貧族光緒十六年題旌宗祠在支塘鎮村設義塚地九畝餘

翁氏義莊在西門外山塘湖北巡撫翁同爵及子曾純曾榮等

常昭合志稿

卷十七

善舉

五

建田一千餘畝分贍參政嫡派下貧族以三品以上官於光緒十七年具題奉 特旨頒給誼周族黨額

季氏義莊在城內扇沈巷常熟人季德大及妻鄒氏議立子耀燧及妻曹氏建田五百畝有奇分贍支祖奎之嫡派下貧族

光緒十八年題旌

何氏餘慶義莊在董浜東街里人何大洲及姪鴻鑿成之稻田三百餘畝花田三百四十餘畝額租米三百石有奇錢五百四十餘千分贍支

祖諱如琳嫡派下貧族光緒十九年題旌

徐氏義莊在東唐市常熟人徐朝榮建田五百畝有奇分贍支

祖玉山嫡派下貧族光緒十九年題旌



陳氏義莊在四丈灣邑人陳如松創子炳章等成之田五百八十餘畝分贍支祖奉賢嫡派下貧族光緒十九年題旌

桑氏義莊在南鄉常熟人桑文澎建田六百畝有奇分贍支祖成明嫡派下貧族光緒二十年題旌

南潯張氏義莊在豐樂橋下塘烏程人張文照寶善父子置田千餘畝分贍本籍貧族光緒二十年題旌

鄒氏義莊在城內周神廟街昭文人鄒敬邦立田五百三十餘畝分贍貧族光緒二十年題旌

邵氏義莊在沙溪鎮

沙溪今割隸太倉州而此莊才縣呈報有案

里人邵德溥及妻

杜氏立田五百餘畝分贍支祖諱繼勳嫡派下貧族光緒二

常昭合志稿

卷十七

善舉

字

十一年題旌

徐氏義莊在東鄉昭文人徐志仁議立孫慰萱建田五百十餘畝分贍支祖元發嫡派下貧族光緒二十一年題旌

陳氏義莊在南門大街常熟人陳元祺議立子啟良建田五百餘畝分贍支祖德先嫡派下貧族光緒二十一年題旌

王氏義莊在城內欄家橋昭文人王渙議立子文需建田五百餘畝分贍支祖諱維翰嫡派下貧族光緒二十二年題旌

王氏義莊在西徐市常熟人王謙福立田五百畝有奇分贍支祖天錫嫡派下貧族光緒二十三年題旌

陸氏義莊在西徐市常熟人陸炳山立田五百畝有奇分贍六



世祖御章嫡派下貧族光緒二十三年題旌

朱氏義莊在田都里常熟人朱春榮等立田五百畝有奇分贍二十世祖聖哲嫡派下貧族光緒二十五年題旌

徐氏義莊在東山塘涇岸常熟人徐藻創子元霖建田五百畝有奇分贍支祖省齋嫡派下貧族光緒二十八年題旌

周氏義莊在秦三塘橋常熟人周鴻福立田千一百八十餘畝分贍支祖啟發嫡派下貧族光緒二十八年題旌

王氏義莊在九萬圩常熟人王鏐立田五百六十畝有奇分贍支祖芳巖嫡派下貧族光緒二十九年題旌

邵氏義莊在小東門內吏部左侍郎邵亨豫及子松年椿年等

常昭合志稿

卷十七

善舉

三

建田一千畝有奇分贍遷虞以後各支貧族以三品以上官於光緒三十年具題奉 旨頒給錫類敷亡額

以上係據各莊裔開報及同治三年以後縣署有案可稽者開列如右其餘見於義行志及采訪單而縣署無案可稽屢次訪問又未據開報者附記於後

范氏義莊在鈞渚渡南范里人范可禹議立子孫續增成之田五百餘畝額租米四百石有奇分贍范氏南分貧族

許氏義莊在鈞渚渡西許巷里人許巨法立田五百畝

顧氏義莊在顧涇里人顧鏞創子文涿成之田千畝

周氏義莊在窯鎮東北



周氏義莊在支塘東蔡涇

采訪單云嘉慶十九年  
建光緒元年大風圯

顧氏義莊在孟涇

采訪單云咸豐三年  
建光緒元年大風圯

以上各族義莊



